

Малчнрин кўч-кўлснā диилвр

Юстинск района, „Енотаевский“ совхоз 136 минъгън гектар газрта. Ода эн совхозин фермст 46 минъгън хўн, 950 бод мал бāанā.

Эн совхозин малчнр болн кўдлмшчнр малд дулан ўвлзнъг белдджанā. Ўвлин туршарт элвгār кўрх ъвс малин ўвлзнъгўр зѡбгъад хурачкв, дакад 4 минъгън тонн эрднишишāн силос дардж авб.

Совхозин саалин ўкр болгънд 10 тонн, хўн болгънд 80 килограмм силос дардж белдгв. Малд хот белдлгън одачн кегдā бāанā.

1-ч номертā фермин малчнр, кўдлмшчнр болн механизатормуд 1500 тонн ѡвс малин ўвлзнъгўр зѡбгъад хурачкв.

1958 джил эн совхоз болн эднā турўн нўр эзджāх кўдлмшчнр Цугсоюзин Селāнā Эдл-ахун Гāахўлд орлцх болдж батлгв. Государствд орулдж ѡгх махна зурагъан 120 процент кўцāв. Эн джил 25980 каракульск хўрсх государствд орулдж ѡгх зурата бāасн болхла, 31522 каракульск хўрсх ѡгād, зурагъан 121,3 процент кўргдж кўцāв. Зун хўн болгънас 127 хургъ, хўн болгънас 3,3 килограмм ноос киргъдж авб. Ут-турштан 123 тонн ноос государствд орулдж ѡгв. Дакад ўвлār болн эрт хаврар гарсн хургъдиг киргъад, 34 тонн ноос авб.

Нāаднр хѡбдт искусствени кѡг тāвлгън шунмгāгъар кегдджанā. 19 минъгън нāаднр хѡд ўвлār болн эрт хаврар хургълхмв. Ода эн совхозд искусствени кѡг тāвлгънā 8-н пунктс кўдлджанā.

Шинās нег кошар тосхгв, 38 хаша, 6 дулан катг ясгдх бāаснās цугъарагъинь ясад, ўв-

лд белдчкв. Хѡбнā хаша-хаац яслгъна кўдлмшт тосхачнр у Лакшинов, Могданов, Гаряе йилгъан сāанār кўдлцхāв. Ўр Шигдяевин гардджах тосхлтин бригад ѡдр болгън авсндаалгъвран 110-160 процент кўргдж кўцāджāв. Ода малчнр бāах гермўдиг ясад дуусджана.

Совхозин механизатормуд болн кўдлмшчнр намрин тārрāг ахр цагин эргцд тārдж дуусхин тѡлā цуцрлт угагъар кўдлджанā. Эн совхоз энджл 2000 гектар намрин тārрā тārх зурата, энўгāн кўццднъ тārдж дуусхнъ лавта.

Совхозин партийн организац малчнр, кўдлмшчнр дунд цāалгъврин кўдлмш таслвр уга кедж йовснд, цуг альк нег селāнā алл-ахун кўдлмш сāн болдж гарв. Ода фермсār 28 агитатор кўдлджанā, „Боевой листок“ цаглари гарна. Ўр Карташова Анна, Басангов Номта, Абугалиев Андрей гидг агитатормуд сунъгъврин участкасар сунъгъачнр дунд кўундвр болн газет умшдж ѡгнā.

Ѐмн болгъна тоод мах, ўс болн тос гаргългъар ѡбрхн джилмўдин эргцд США-г кўцдж авхин тѡлād совхозин цуг кўч-кўлсчнр эврāннъ кўдлмштāн ўнн гол седклāн ѡгч кўдлджанā. КПСС-н XXI хургиг, Октябрин 41-ч джилин ѡбниг, Хальмг АССР-н Деед Советин сунъгъврин ѡдриг уктдж, цуг альк нег селāнā эдл-ахун кўдлмшиг делгрўлдж, эн темдгтā ѡдрмудиг ик диилвр тāгъār тосхин тѡлā социалистическ дѡрлдā делгрўлджанā.

М. НИМЯЕВ.